



Arkivnr: 2014/1230-183

Saksbehandlar: Lise Fauskanger Ådlandsvik

**Saksframlegg****Saksgang**

Utval	Saknr.	Møtedato
Fylkestrafikksikringsutvalet i Hordaland		07.06.2017

**Søknad om tilskot til lokale trafikksikringsarrangement - 1. mai 2017****Samandrag**

Det er sett av 680.000 kr til tilskotsordninga til lokale trafikksikringsarrangement i 2017. Midlane skal nyttast til gjennomføring av trafikksikringsarrangement som er tufta på lokale initiativ, det vil seie trafikantretta tiltak (ikkje fysiske tiltak). Tilskotet er meint å vere ei støtte for å sikre høg trafikkfagleg kvalitet på tiltaket. Det er eit viktig prinsipp at Fylkestrafikksikringsutvalet (FTU) skal kunne vere ein bidragsytar ved lokale initiativ der haldningsskapande trafikksikringsarbeid vert sett på dagsorden.

Søknadsfristane for tilskotsordninga lokale trafikksikringsarrangement er i 2017 er sett til 1. januar, 1. juni og 1. november. I sitt møte 21. februar 2017 tildelte FTU midlar til 13 arrangement, men ein total tilskotssum på 498 792 kr. Innan fristen 1. mai kom det inn 11 søknader, med ein søknadssum på totalt 452.750 kr.

**Forslag til vedtak**

Fylkestrafikksikringsutvalet (FTU) fordeler tilskotsordning av 1. mai 2017 til lokale trafikksikringsarrangement slik;

Søkjar	Søknadssum	Tilskot
Ettertankens dag Hordaland	35 000	35 000
FAU Hatlestrand skule	30 000	15 000
FAU Sunde barnehage	6 000	6 000
FAU Undarheim skule	21 000	10 000
Kløyheim bygdslag	20 000	15 000
Kvernbit IL	12 000	10 000
Kvinnherad kom., folkehelsekoor.	30 000	30 000
Kvinnherad kom., helsestasjonane	18 750	18 750
Kvinnherad kom., Undarheim skule	30 000	15 000
TSU Nordhordland	100 000	50 000

Rune Haugsdal  
fylkesrådmann

Håkon Rasmussen  
fylkesdirektør samferdsel

*Saksframlegget er godkjent elektronisk og har derfor inga underskrift.*

#### Vedlegg

- 1 Søknad. Kvinnherad kommune, Undarheim skule
- 2 Vedlegg. Fullstendig referat FAU møte 23.02.2017
- 3 Søknad. Kvinnherad kommune, helsesøster
- 4 Søknad. FAU Sunde barnehage
- 5 Søknad. Kvinnherad kommune, folkehelsekoordinator
- 6 Søknad. Naturvernforbundet, Prøvekjøre elsykkel
- 7 Vedlegg. Budsjett Prøvekjøre elsykkel
- 8 Vedlegg. Prosjektbeskrivelse Prøvekjøre elsykkel
- 9 Søknad. Trafikksikkerhetsdagen Bergen
- 10 Søknad. Kløvheim bygdelaag
- 11 Søknad. FAU Hatlestrand skule
- 12 Søknad. FAU Undarheim skule
- 13 Søknad. Kvernbit IL
- 14 Søknad. TSU Nordhordland

#### **Fylkesrådmannen, 01.05.2017**

##### **Bakgrunn**

Det er sett av 680.000 kr til tilskotsordninga til lokale trafikksikringsarrangement i 2017. Midlane skal nyttast til gjennomføring av trafikksikringsarrangement som er tufta på lokale initiativ, det vil seie trafikantretta tiltak (ikkje fysiske tiltak). Tilskotet er meint å vere ei støtte for å sikre høg trafikkfagleg kvalitet på tiltaket. Det er eit viktig prinsipp at Fylkestrafikksikringsutvalet (FTU) skal kunne vere ein bidragsytar ved lokale initiativ der haldningsskapande trafikksikringsarbeid vert sett på dagsorden.

Søknadsfristane for tilskotsordninga lokale trafikksikringsarrangement er i 2017 er sett til 1. januar, 1. juni og 1. november. I sitt møte 21. februar 2017 tildelte FTU midlar til 13 arrangement, men ein total tilskotssum på 498 792 kr. Innan fristen 1. mai kom det inn 11 søknader, med ein søknadssum på totalt 452.750 kr.

##### **Kriteria for tilskotsordninga**

- Søknadsfrist to gongar i året. Det må søkjast på eige skjema.
- Utbetalinga skjer i etterkant av at rapporteringsskjema inkl. rekneskap er motteke.
- Arrangement med ei kostnadsrâme på over 30.000 kr har krav om ein eigenandel på minimum 25%.
- Personalkostnader/eigeninnsats kan vere ein del av eigenandelen. Eigeninnsatsen (timar) må synleggjerast.
- Rett til å søkje: Kommunar, skular, barnehagar, lag/foreningar/organisasjonar.
- Tilskotmidlane ikkje kan dekke administrative kostnader og andre driftsutgifter.

## Oversikt over søknadane av 1. mai 2017

	Søkjjar	Type arr.	Søknadssum	Totalkostnad	Tilskot	Krav om eigenandel
a	Ettertankens dag Hordaland	TS-dag	35 000	140 900	35 000	X
b	FAU Hatlestrand skule	TS-arr.	30 000	30 000	15 000	
c	FAU Sunde barnehage	Sykkel	6 000	16 000	6 000	
d	FAU Undarheim skule	Gå/sykkel	21 000	21 000	10 000	
e	Kløvheim bygdelag	Refleks	20 000	70 000	15 000	X
f	Kvernbit IL	Refleks	12 000	24 000	10 000	
g	Kvinnherad kom., folkehelsekoor.	Sykkel	30 000	30 000	30 000	
h	Kvinnherad kom., helsestasjonane	Infor. TS	18 750	18 750	18 750	
i	Kvinnherad kom., Undarheim skule	TS-arr.	30 000	30 000	15 000	
j	Naturvernforbundet i Hordaland	El-sykkel	150 000	1 880 480		X
k	TSU Nordhordland	Refleks	100 000	170 000	50 000	X

a) *Ettertankens dag i Hordaland, Trafikksikringsdag*

Ettertankens dag i Hordaland søker om 35 000 kr til å arrangere trafikksikringsdag i Bergen sentrum. Arrangementet er tverrfagleg. Fylkesrådmannen innstiller på eit tilskot på 35 000 kr.

b) *FAU Hatlestrand skule*

FAU Hatlestrand skule i Kvinnherad kommune søker om 30 000 kr til eit arrangement for foreldre og born. Det vert opplyst om at midlane skal gå til materiell for utdeling, kostnader ved foredrag, gjennomføring av arrangementet samt utgifter ved «sykkelsertifisering». Søkjaren er ny av året. Fylkesrådmannen innstiller på eit tilskot på 15 000 kr.

c) *FAU Sunde barnehage*

FAU ved Sunde barnehage i Kvinnherad kommune søker om 6 000 kr til å setje opp trafikkskilt i samband med oppgradering av ei sykkelløype i barnehage. Søkjaren er ny av året. Fylkesrådmannen innstiller på eit tilskot på 6 000 kr.

d) *FAU Undarheim skule*

FAU ved Undarheim skule i Kvinnherad kommune søker om 21 000 kr til midlar til premiar for prosjektet «Aktive barn – Tryggare skuleveg». Prosjektet starta opp i februar 2017 og går fram til mai 2017. Søkjaren er ny av året. Det går ikkje fram kva type premiering som skal delast ut. Ut frå tilsvarende søknader tidlegare i år, FAU Alversund og FAU Kleppe, innstiller fylkesrådmannen på eit tilskot på 10 000 kr.

e) *Kløvheim bygdelag*

Kløvheim bygdelag i Lindås kommune søker om 20 000 kr til å arrangere Refleksjakten 2017. Søkjaren var i hausten 2016 tildelt 15 000 kr til same type arrangement. Fylkesrådmannen innstiller på eit tilskot på 15 000 kr.

f) *Kvernbit IL*

Kvernbit IL i Meland kommune søker om 12 000 kr til innkjøp av refleksar og å arrangere ei samling for alle i idrettslaget. Søkjaren er ny av året. Fylkesrådmannen innstiller på eit tilskot på 10 000 kr.

g) *Kvinnherad kommune, folkehelsekoordinator*

Kvinnherad kommune ved folkehelsekoordinator søker om 30 000 kr til å gjennomføre ein sykkeldag på alle skulane i kommunen. Midlane skal nyttast til innkjøp av sykklar, sykkelstativ og sykkelhjelm som kan leigast ut til skulane. Søkjaren er ny av året. Fylkesrådmannen innstiller på eit tilskot på 30 000 kr.

h) *Kvinnherad kommune, helsestasjonane*

Kvinnherad kommune ved helsestasjonane søker om midlar til innkjøp av refleksdyr, samt tre informasjonsskjermer som skal henge på venterommet på tre av helsestasjonane i kommunen. Søkjaren er ny av året. Fylkesrådmannen innstiller på eit tilskot på 18 750 kr.

*i) Kvinnherad kommune, Undarheim skule*

Undarheim skule i Kvinnherad kommune ved rektor søker om 30 000 kr i tilskot til eit dagseminar «Trafikktryggleik for aktive elevar» med alle elevane ved skulen. Dette er mellom anna knytt til arbeidet med å verte Trafikksikker kommune. Søkjar legg opp til at Trygg Trafikk og Politiet deltek. Skulen har over fleire år hatt elevar som er trafikkvakter. Skulen har ei trafikkert nærrområde. Søkjaren er ny av året. Det går ikkje fram kva tilskotsmidlane skal gå til, utover «Innkjøp av utstyr til seminaret». Fylkesrådmannen innstiller på eit tilskot på 15 000 kr.

*j) Naturvernforbundet Hordaland*

Naturvernforbundet Hordaland søker om 150 000 kr til prosjektet Prøvekjør elsyssel. Prosjektet skal tilby prøvekjøring av elsyssel i verksemdar, på offentlege arrangement og via prøvekjøre.no. Søkjaren søkte om midlar i hausten 2016 til same prosjektet, men fekk ikkje innvilga tilskot. I saksutgreiinga heite det følgjande:

*Fylkesrådmannen ser positivt på nye tiltak som kan få fleire til å sykle, og prosjektet som her ligg til grunn har ein stor folkehelse- og miljøgevinst, men i mindre føremonn eit særleg fokus på trafikktryggleik. Etter fylkesrådmannen si vurdering fell dette prosjektet utanom det som er rammevilkåra til denne tilskotsordninga. Tilskotsordninga er meint som ei støtte til å kunne gjennomføre lokale, enkeltstående trafikksikringsarrangement. Større prosjekt som går over fleire år er ikkje ein del av målgruppa til denne ordninga. Det kan også nemnast at Hordaland fylkeskommune har gjeve tilskot til prosjektet på 100.000 kr i gjennom Klimaplan for Hordaland 2016.*

Fylkesrådmannen innstiller ikkje på å tildele tilskot til dette prosjektet.

*k) TSU Nordhordland*

TSU Nordhordland søker om 100 000 kr til ein reflekskampanje/innkjøp av refleksar til så mange kommunar i Nordhordland som mogleg. Søkjaren har ikkje søkt om midlar til dette prosjektet tidlegare. Kr 170 000 kr til innkjøp av refleksar er svært mykje pengar. Til samanlikning har FTU i sitt budsjett sett av 200 000 kr i 2017, og Trygg Trafikk Hordaland har sett av 80 000 kr. Fylkesrådmannen innstiller på eit tilskot på 50 000 kr.

**Fylkesrådmannen sine kommentarar**

Det er eit stort lokalt fokus på haldningsskapande trafikksikringsarbeid i Hordaland. Fylkesrådmannen ser at det over mange år vore dei same arrangementa som har søkt om tilskot, - noko som er positiv med tanke på lokalt initiativ og interesse, men samstundes er det viktig å ha krav til innhaldet i programmet, og sikre fokus på trafikksikringsdelen. Om eit arrangement har motteke støtte eit år, så set det likevel krav til innhaldet og fokuset i arrangementet for å kunne motta støtte seinare år.

Fylkesrådmannen ser det som svært positivt at det har kome inn søknader frå alle delane av fylket, og at det for kvart år er fleire nye søkjarar. Det kan difor synast som om tilskotsordninga har vorte betre kjend, - mellom anna gjennom prosjektet Trafikksikker kommune.

Den store variasjonen i type arrangement gjer det utfordrande å vurdere *kvaliteten* på trafikksikringsdelen i tiltaket. Det kan synast som ein del av tilskotsmidlane skal nyttast til å gjennomføre arrangementet, framfor sjølv trafikksikringsdelen. Samstundes er det haldningsskapande trafikksikringsarbeid eit kontinuerleg arbeid, som ikkje kan målast i konkrete effektar av tiltaket. Dette er det viktig å ha med seg inni vurderinga av søknadane.

Grunnlaget for fylkesrådmannen si vurdering av søknadane er at tilskotet som vert gjeve skal vere ei støtte for å sikre høg trafikkfagleg kvalitet på arrangementet. Vidare gjev kriteriet om at tilskotet ikkje kan nyttast til administrative kostnader og andre driftsutgifter føringar for tilskotssummen. Med det forstår ein at midlane frå FTU i fyrste omgang skal nyttast til den trafikkfaglege delen, og i mindre grad til det andre delar av arrangementet, slik som for eksempel til mat/drikke og marknadsføring. Vidare vurderer fylkesrådmannen det også slik at det er grunnlag for å vere noko tilbakehalden med at mindre arrangement skal få store midlar til premiering og større innkjøp av materiell.

Fylkesrådmannen har i si handsaming av søknadane av 1. mai 2017 vurdert kvar søknad for seg, men har sett tilsvarande arrangement i samanheng.

Fylkesrådmannen rår til at ti søkjarane vert tildelt tilskot, med ein total tilskotsum på 204 750 kr. Dette inneber at ein må nytte noko av mindreforbruket (260 000 kr) til tilskotsordninga «Tilskot til utarbeiding av kommunale trafikksikringsplanar» i denne tildelinga.